

本书出版得到国家古籍整理出版专项经费资助

清代吏治史料

线装书局

官员管理史料 一七

清代吏治史料

綫裝書局



吏部左侍郎降二級留任 臣查郎阿等謹

題為欽奉

上諭事該臣等議得內閣大學士馬齊等奏稱定例會議事件定限三十日天津地方設立水師營一案一部於八月二十八日咨送兵部兵部理應於限內速行完結具奏乃並不速行具奏遲延逾限兩月有餘及奏

旨察問始行覆奏且從前題請委看天津官兵駐劄之堂官等事俱送料道註銷而會議此事與咨取會同司官等覈又未核知料道顯係將事件遲延恐料道查叅故為耽擱至於工部會議此事兵部於九月二十二日咨查船上所用^水舵丁蓬繩等項之例理應作速照限查明咨送乃並不作速查送顯係怠玩及稱戰船檔案甚多徹底清查以致遲延等語巧辯不合應將兵工二部之堂官並承辦此事之司官一併交與吏部察議等因前來 除兵部左侍郎欽詳已

經華六侍郎武選司郎中高荀倫已經革職均毋庸設外查此案戶部于八月二十八日咨送兵部會議事件定限三十日應扣至九月二十八日限滿遲至十一月內奉

旨查問始行覆奏除正限外計逾限一月有餘查定例官員將事件遲延不結逾限一月以上者罰俸一年督撫計月處分逾限一月者罰俸三個月等語應將兵部郎中蘇奎庫主事布顏圖托奇納工部郎中樞通均照例各罰俸一年兵部尚書今陞臣部尚書仍兼兵部尚書事孫柱尚書法海右侍郎今調盛京戶部侍郎傅蔭石侍郎楊汝毅工部尚書李永紹左侍郎郝林均照例于現任內各罰俸三個月恭候

命下臣部遵奉施行臣等未敢擅便謹

題請

旨 雍正四年三月初四日奉本月十一日奉

旨這事情俱係先稟故意遲延兵工二部堂司各官俱從寬免罰俸

吏部右侍郎仍兼理順天府府屬臣張令璜謹

奏為遵

旨自陳不職懇

賜罷斥以肅甄別之典事伏查雍正元年蒙

上諭在京部院衙門官員三年考察一次係好事應

查例設奏欽此臣部題明應于雍正元年起至雍正三年止凡在京三品以上官

員將三年內所行事蹟過愆于雍正四年三月初一日為始令其自陳等因奉

旨依議欽遵在案竊臣年七十七歲山東東阿縣人由康熙四十八年己丑科進士

于康熙五十七年十月內補授刑部督捕司主事康熙六十年四月內考選山

東道御史康熙六十一年六月內巡視西城于雍正元年三月內蒙

皇上降恩拔置順天府府丞提調癸卯甲辰兩科文武鄉試雍正二年三月內復蒙

皇上隆恩校置順天府府尹本年五月內奉

特旨以府尹職銜加贈臣祖父母二代雍正三年二月內恭辦

藉田大典事宜本年三月內復蒙

皇上隆恩特授大理寺卿仍兼理順天府尹事務本年十二月內復蒙

皇上隆恩特授吏部左侍郎仍兼理順天府府尹事雍正四年二月內又恭辦

藉田大典事宜本年三月初三日奉

旨沈近思補授侍郎在先張令璜補授侍郎在後沈

近思着為左侍郎張令璜着右侍郎欽此欽遵在案伏念臣才本迂疎年當頽邁

非不思矢勤于夙夜而筋力漸衰亦思圖報于涓埃而精神日減吏部任重仰

酬

高厚而無能府尹事繁欲効可長而莫補兼攝自宜盡職門心殊曠官况甄別首重

于銓曹斯嚴戒務嚴于京兆臣謹據實自陳伏祈

皇上鑒察

賜罷斥以為曠職者戒臣無任惶悚待

命之至為此繕本謹

奏

雍正四年三月初八日本月十一日奉

旨張令璜簡任佐銓著照舊供職該部院知道

吏部左侍郎加二級紀錄十二次降二級留任臣沈近思謹

奏為遵

旨自陳不職懇

賜罷斥以肅甄別之典事伏查雍正元年蒙

上諭在京部院衙門官員三年考察一次係好事應

查例議奏欽此臣部題明應自雍正元年至雍正三年凡在京三品以上官員將

三年內所行事蹟過愆于雍正四年三月初一日為始令其自陳等因奉

旨依議欽遵在案竊臣年五十六歲浙江杭州府錢塘縣人由康熙三十九年庚辰

科進士于康熙四十五年籤掣河南臨潁縣知縣康熙四十七年八月充本省

鄉試同考官康熙五十年十月充本省武鄉試同考官歷年共紀錄十二次康

熙五十二年二月原任河南巡撫疏祐薦舉舉與陞補廣西南寧府同知康

熙五十三年八月告病回籍康熙五十九年十月陞任浙江巡撫朱軾特薦赴部蒙

聖祖仁皇帝諭旨以緊要缺用康熙六十年二月監督本裕倉四月原任閩浙總督覽羅滿保奏請發往福建候補知府雍正元年四月蒙

皇上洪恩特用吏部文選司郎中

賜加二級

賜第一所帶金四百兩九月充會試同考官十一月奉

旨補授太僕寺卿仍兼理吏部文選司郎中事充武會試同考官雍正二年正月

欽命山東鄉試正考官二月奉

旨補授吏部右侍郎閏四月蒙

特恩以侍郎職銜加贈臣曾祖父母三代九月充文

殿試讀卷官十月

欽命武會試正考官十一月充武

殿試讀卷官雍正三年七月同議處年羹堯誣參金南鐸等一案依隨隆科多將年

羹堯議以革退將軍都察院議以降三級調用蒙

皇上施恩從寬免降三級調用降一級留任本年八月內為月摺遺漏應注之處一

案罰俸六個月又為開缺遲延一案降一級留任又為欵叙戶部銀庫官員不

當一案罰俸六個月雍正四年三月初三日奉

旨沈近思補授侍郎在前張令璜在後沈

近思着為左侍郎張令璜着為右侍郎欵此欵遵在案伏念臣一介微員留闕候

才補荷蒙

皇上洪恩破格擢用任以銓司之職旋登卿二之班三載以來消埃莫報復蒙

聖恩轉為左侍郎寵榮

寵榮逾分惶悚深臣識極淺陋既見理之不明才至凡庸復辦事之多鈍渥承

恩寵每慚報効無能恭竊銓衡常懼愆尤日積問心難安于夙夜供職有玷于班聯

茲當澄叙之時應伸黜退之例懇請

皇上睿鑒即

賜罷斥以為曠官不職者戒臣無任惶悚待
命之至為此繕本謹

奏

雍正四年三月初八日奉月十一日奉

旨沈近思簡任佐銓著照舊供職該部院知道

工部左侍郎臣郝林謹

奏為遵例自陳不職懇乞罷斥以肅察典事准吏部

上諭雍正四年在京三品以上堂官着令自陳欽此欽遵竊臣年七十三歲直隸

州人康熙二十一年壬戌科進士由中書科中書舍人陞吏部主事歷任員外

郎郎中康熙四十六年考選禮科^給士事中轉吏科掌印給事中康熙五十年

內陞補光祿寺少卿五十一年轉太常寺少卿陞石通政轉左通政伍十二年

陞太僕寺卿五十三年陞奉天府府尹五十四年陞宗人府府丞都察院左副

都御史五十五年陞工部左侍郎雍正二年二月丁憂雍正三年三月奉

旨仍補工部左侍郎于雍正元年因目子允瀾取用工料未

奏降一級罰俸一年雍正二年因本章不查着舊式罰俸六個月雍正三年因

奏銷水洲花園港錢糧農本遲延降一級留任奉

旨寬免又因修理

御輅脫落釘子降三級祇銷奉

旨寬免又修理

鑾駕油漆粗糙降三級祇銷奉

旨寬免又錯舉修城司官降二級祇銷奉

旨寬免又額外主事補缺咨文前後互異降三級祇銷奉

旨寬免伏念臣等短識庸不能盡職四十年来蒙

聖祖仁皇帝拔擢之深恩哉

皇上優容之至德曲体下情冀全終始

弘恩異數寬宥再三而臣賦質庸愚過越叢集無之右目失明左目內障日甚一日
不惟不能辨字抑且不能辨人加以精神短少諸事健忘當此

聖明在御百僚師濟之時豈容臣耳目聾瞶之身覲顏尸位伏乞

皇上立賜罷斥以為曠職之戒臣不勝悚惶待

命之至謹

奏

雍正四年三月初八日本月十一日奉

旨翰林簡佐司空著照舊供職該部知道

都察院左副都御史仍兼管光祿寺事臣杭奕祿謹

奏為遵例自陳仰祈

睿鑒事准吏部咨稱雍正四年京察部院等衙門三品以上滿漢官員照例自陳等
因竊臣係解任中書于雍正元年正月荷蒙

聖恩召見

特旨補授額外員外郎着在

實錄館行走本年三月補授監察御史十月

特旨補授光祿寺少卿雍正二年五月

欽差考試翻譯生員本年十一月

欽照翻譯鄉試副考官雍正三年正月

特旨補授光祿寺卿本年五月

欽差考試翻譯生員本月

特旨補授都察院左副都御史仍兼管光祿寺事伏思臣一介庸愚二十年来寒不得衣飢不得食自分貧賤以終身荷蒙哉

皇上破格擢用三年之間校置亞卿臣何人斯屢膺

異救迴恩向日舉家啼飢號寒今則厚糈重祿是以每當喫飯着衣未嘗不以語妻
子曰此皆我

皇上隆恩所賜也否則舉家填溝壑久矣相對處泣不能自己臣之此生實我

皇上再造之身敢不矢竭駑駘以仰報

高厚于萬一但都察院風紀之司光祿寺典禮攸繫似臣謏劣實難勝任茲當澄叙
官方之時伏乞

皇上睿鑒即賜罷斥以肅察典臣不勝戰慄待

命之至為此具疏謹

奏

雍正四年三月初七日奉本月十一日奉

旨杭吏祿簡佐風紀省熙舊供職該部院知道